

El Movimiento Nacional por la Diversidad Cultural de México convoca al VI Concurso Nacional de Fotografía

TEMA: RACISMO



WOLIBÄ INA' TYÄNTYEL TYI TYAJTYÄL

La' lajkomō pás tyi ejtyaläl cha'añ mi iña'tyañob jiñi yambä lak pi'älob ke ilaj tyi Mejiku mi iweñ ujtyel TS'A'LENTYEL, Jiñach jiñi juñsujm machbä weñ mi lak ñik'i mel yik'oty bajche' tyä'läntye tyi yañtyakbä lak pi'älobtyak, ba' much'ultyak lak pi'älob o ba'añ x-e'tyelobtyak, che' bajche' mach weñleltyak tyi laj kixtyañutyeltyak yik'oty che' bajche' baki ch'ok-emojoña, ichäch tsiki bajche'tyak chuki me lak mel, kostumprejtyak, lak pisleltyak, ts'ijbuyajtyak, bajche' yila lak chumlibtyak, ty'añal yik'oty ña'tyibaltyak cha'añbä lak ch'ujutaty o yañtyakbätyak.

TYOJEL TY'AÑ CHA'AÑ WEÑ MI IYUJTYEL LETYO TYI YAJKÄNTYEL EJTYALÄL

Icha'añbä xlok'-ejtyaläl
Mi imejlel imel jutyikil lak pi'äl muk'bä imulañ ilok'e' ejtyalältyak yik'oty ja'el jiñi lak pi'äl iñoj iye'tyelächbä lok'-ejtyaläl, wä'ichbä k'elbil icha'añ pañmil ila tyi ilumalel Mejiku, weñ yombä imel e'tyel yik'oty iña'tyibal cha'añ añ ka'bäl imelbalob lak pi'älob ilaj tyi mejiku yik'oty cha'añ mi iyäk'ob tyi känol ik'ajñi'bal, iñuklel, tyi p'istyal yik'oty tyi käntyäntyel.

Cha'añ ejtyalältyak

- Cha'añ mi imejlel tyi ochel tyi letyo jiñi xlok'-ejtyaläl yom mi ichok majlel jo'k'ej ejtyaläl tyi säsäk-i'k'bä, ka'bälbä its'ibal o jiñ chäckchibä its'ibal.
- Jiñi ejtyalältyak melbilbä, nijka'bilbä icha'añ jiñi xkok'-ejtyaläl ma'añik mi iyochel tyi letyo.
- Jiñi ejtyalältyak yom mi ich'ämtyilel jiñi iyejtyal imelbalobtyak lak ñoj-pi'älobä, che' ja'el mi imejlel tyi ch'ämtyilel jiñi iyejtya lak ñoj-pi'älob tyilemobä tyi yambä pañmil yik'oty woliyobä tyi xämbal ñumel tyi lak klumal.
- Jiñi ejtyalältyak mu'bä iyäk'el jiñächmeku yom mi iyäk' jiñi lak pi'äl tsa'bä ilok'o jiñi ejtyaläl, mach yomik mi ichäñ ch'ämetyilel mi päsbilix, mach yomik mi ts'ijbubilix acha'añ tyi yambä letyoj yik'oty mach yomik mi ak'bilibä icha'añ ity'añ cha'añ mi ipästyel ili ejtyaläl tyi yambä iyotylel e'tyel o yik'oty mi k'ämbilibä icha'añ yambä lak pi'äl.

Cha'añ mi imoptyel ejtyaläl

- Ik'iñilel cha'añ mi imoptyel jiñi ejtyaläl mi ityejchel che' mi ipästäl ili juñ yik'oty mi iñup'el che' tyi 23:59 oraj, lunes 17 cha'añ octuwre tyi ja'bilel 2016.
- Jiñi ejtyalältyak mi ich'ämjelel ya'i tyi ibijlel koreyu:
mndcmexico@gmail.com
- Ya'i baki mi iyäk' "asunto" tyi koreyu yom mi its'ibuntyel ili ty'añ: "VI Concurso Nacional de Fotografía" yik'oty baki mi iyäk' "mensaje" yom mi its'ibuntyel: ik'äba' yik'oty tsäkäl mi its'ibuntyel ijo-ik'äba', imajañ-k'äba', yom tsäkäl mi its'ibuntyel baki chumul, iteleponoylel iyotyoty yik'oty iselular, yik'oty ibijlel koreyu.
- Jiñi xlok'-ejtyaläl yom mi ichoke' majlel yik'oty ibijlel koreyu ili ejtyaläl:
- Ili ejtyaläl o ejtyalältyak yom mi iyäk'el tyi formato **tif** o **jpg**, yik'oty yom tyi iñajtylel o tyi iläktäyel **300 dpi** yik'oty tyi iñuklel **5 MB** tyi jujunk'ejl ejtyaläl (ik'äba' ili junläts ejtyaläl, cha' chejach mi iyäk'entyel ik'äba' bajche' tsa' iyäk'ej jiñi ejtyaläl).
- Junk'ejlel ikopyajlel ijun baki mi ipas ibaj iwuty wolibä akäñ wälej, tyi formato **jpg**, baki mi ipäse' ik'äba', yik'oty baki mi weñ su'b ibaj, che' ja'el yom mi iyäk' ik'äba' pañmil baki tsa' ik'ele pañmil.
- Jiñi xlok'-ejtyaläl yom ichok majlel jiñi ejtyaläl yik'oty ba' mi iyäk' entyel ity'añ cha'añ isujmäch jiñi ty'añtyak yik'oty jiñi ejtyalältyak wolibä ichoke' majlel.

Iyejtyal mäloñel

- Naxambä majtyañal: \$10,000.00 (lujump'ej mil tya'k'iñ mejikanu), jump'ujch libruj yik'oty soñk'elbilbä, liploma yik'oty mi iyäjkel tyi känol jiñi ejtyaläl
- Cha'chajplel majtyañal: \$5,000.00 (jo'p'ej mil tya'k'iñ mejikanu), jump'ujch libruj yik'oty soñk'elbilbä, liploma yik'oty mi iyäjkel tyi känol jiñi ejtyaläl
- Uxchajplel majtyañal: junwejch aläsikojk-k'ajk, jump'ujch libruj yik'oty soñk'elbilbä, liploma yik'oty mi iyäjkel tyi känol jiñi ejtyaläl

CH'e mi sajkäntyel yik'oty tyi iyajkäntyel jiñi ejtyaläl mu'bä imäle'

- Jiñi ejtyalältyak mi ikajel tyi yajkäntyel tyi ityoylelob nuko'bä iye'tyel yik'oty año'bä iña'tyi'bal tyi lok'-ejtyaläl.
- Jiñi junmujch' nuko'bä iye'tyel tyi lok'-ejtyaläl mi ikajel iyajkañob jiñi ejtyaläl mu'bä ikajel imäl yik'oty mi iyäk'entyel weñ ñukbä ikäjñi'bal che' ujtyemix tyi yajkäntyel yik'oty ma'añik mi ichäñ k'extyäyel.

TYobjä ty'añ tyi iyujtyi'bal

- Jiñi ejtyaläl tsa'bä imälä yik'oty mu'bä iyäk'entyel weñ ñukbä ik'ajñi'bal muk'ix imejlel tyi sujetel yik'oty tyi pästyäl, kome jiñi xlok'-ejtyaläl tsa'bä imälä muk'ix imejlel iyäk'e' ity'añ cha'añ mi ik'axel tyi ik'aba' jiñi ejtyalältyak tyi iyotylel e'tyel tsa'bä imuch'ki ili xlok'-ejtyaläl, muk'äch ikäjñel imelbal iye'tyel xmelöñel. Cha'añ mi iyäk'el tyi weñ ili ejtyaläl jiñi xlok'-ejtyaläl mi ikajek its'ibuntyel kälél junk'euñ ba' mi iyäk'el tyi weñ ili ejtyaläl yik'oty cha'añ ma'añik yambä iyum ili ejtyaläl tsa'bä imäläj.
- Mi iyäk'el tyi känol jiñi ejtyalältyak tsa'bä imälä che' tyi 31 octuwre tyi ja'bilel 2016 mi isujbel tyi yañtyakbä su'boñi'bäl yik'oty tyi ibijle ikoreyu jiñi iyotylel e'tyel wolibä iñijkán ili letyo.
- Jiñi lak pi'älob mu'bä imäle' yik'oty mu'bä iyäk'entyel iñuklel iye'tyel, ñaxañ isu'beñtyel ke che' tyi ik'iñilel 17 cha'añ nowyemprej tyi ija'bilel 2016 ya'i tyi Museo Indígena ya'i tyi CDMX
- Jiñi ejtyalältyak machbä añik tsa' imälä tyi letyoj muk'ix ilu' ajk'el tyi jejmeli cha'añ mi iyajpel kälél che' tsa'ix ujtyi tyi yajkäntyel jiñi ejtyaläl tsa'bä imälä.
- Jiñi ty'añtyak machbä añik tsikil ilaj tyi päyoñel, mu'tyo ikomo ña'tyäntyel yik'oty mi iyäk'entyel ijak'bal cha'añ ma'añik mi imejlel tyi jejmeli.
- Mi añ juñtyikil lak pi'älob yom ibajbeñ letyo yom iñope' bajche' tsa' ajli kälél ili juñ.

¿Baki mi imejlel jk'ajtyiñ ili ty'añ?

Weñbä tyäk'oñel cha'añ ma'añik mi iyujtyel yik'oty cha'añ mi ijilel jiñi wajleñtyel tyi tyejklumlel mejiku.

Secretaría Técnica del Movimiento Nacional por la Diversidad Cultural de México

Teléfono: 55-12-86-27

Correo: mndcmexico@gmail.com

